

光道
晉
江
縣
志

第
六
冊

卷
之
十
八
至

卷
之
十
八
至

晉江縣志卷之十八

武功志

國家耀德不觀兵而盛世揆文亦奮武王公設險捍
衛攸資猷畧所存武功爰紀晉江罕遭兵燹或海寇
潛煽小醜跳梁兵行所經勞績懋著於是山川之雄
封疆之固與經畫之輝映並昭著于典策而垂厯無
窮

聖朝薄海乂安民忘兵革間有將帥行兵威武奮揚師出
以律形勢昭焉志武功

唐末盜走壽州人王緒攻陷光州因始為蔡州秦宗權所
攻率南奔自南康入臨汀陷漳浦至南安逼近郡城所
在剽掠為其軍校王潮所囚自殺

宋太平興國初仙遊盜起眾十餘萬攻郡城城中兵僅三
千勢危急通判喬維岳固守轉運張克讓率兵破賊圍
解

紹興十三年郡盜四起號曾少龍周老虎何白旗陳大力
詹鐵又擁眾數萬帥司檄鄭振擊之賊遁去鄭振安溪
還集里人於建炎中率鄉兵破楊勅寇

十五年山寇出沒漳泉統制劉實將兵討平之

十六年詹鐵又復來寇鄭振率眾與敵手殺數千人遂死之

二十六年海寇奄至安平鎮

乾道七年島寇毘舍邪掠海濱八年復以海舟入寇始置水湧寨即今水凝以控禦之

淳熙七年海舟賊沈師作亂泉郡大震成將蕭某統領戰死知泉州程大昌趣統制裴師武討之賊遁之

開熙二年有劉賊號過海龍羅勤天等攻掠臨漳逼泉郡

泉城畫聞

嘉定十一年海寇趙希卻等衝突圍頭知州事真德秀請
移寶林寨兵戍圍頭立寶蓋寨分地巡徼獲趙希卻誅
之

紹定五年海寇王子清等泊舟圍頭灣知州事真德秀遣
隊將王大壽防遏猝與賊遇大壽射殺賊十餘大賊為
奪氣竟以獨力難支死之官軍乘進遂有沙陶之捷○
真德秀亡恤王大壽狀畧竊惟見危授命士之所難今
有兩跡我行綴名小校而誌捐軀狗義凜然有烈士之

風其在今日尤為難得某既親睹其事豈容不以上聞
比者海盜猖獗侵軼郡境某亟牒右翼軍分兵防遏是
時羣賊泊舟圍頭灣距州城百餘里官軍星夜疾馳至
辰已聞聲與賊遇賊徒椎牛大嚼而官軍猶未朝食衆
寡勞逸既皆懸殊故自將官邵俊以下俱有觀望蓄縮
之意獨撥發官進勇副尉王大壽者忠勇奮發控弦直
進賊徒中箭而斃者凡數十餘人羣兇為之奪氣邵俊
等既引軍稍退大壽猶挺立不移大罵俊等曰趙官家
平日養得好人見賊便走其時惟隊將秦淮軍兵朱仁

陳提吳慶尹政李從五人隨大壽及秦淮等死之李從以兩奪賊船獲免瀕海居民登高山望見者莫不失聲嘆息為之泣下某既為文遣官以祭且厚恤其家及收刺其子弟士卒聞者於是競勸未幾遂有沙陶洋之掠俘獲賊首林沐二等皆適下手殺害官兵之人行刑之際設大壽位於旁令其子剖心以祭雖足以慰英魂而摠眾憤然惟清明之朝方崇獎忠義以勵風俗今大壽以軍中一校之微家有垂白之母一旦遇賊寧捐其身而不忍負國寧死於王事而不暇顧其親其忠節卓犖

如此黨以其人微之故泯嘿不揚殆非所以為忠義者
之勸

咸淳末海賊寇郡境時西域人蒲壽成壽庚兄弟在泉俱
無賴尋賊退之以功累官沿海都制置

德祐二年元伯顏遣不周青寇泉州

景炎元年宋端宗即位于福州尋入海航于泉州港命蒲

壽庚將海舟以從壽庚閉城拒命時元伯顏遣唆都寇

泉州壽庚遂以蠟丸裹衣由水門潛出與田子真叛降

元二年張世傑自海上復回討賊壽庚遣其賊黨孫勝

夫詣杭求救於峻都盡害宗室千餘人及士大夫與淮
兵之在泉者備極慘毒張世傑攻九十日不下乃去之
元至元二十五年湖頭賊張治國掠泉州是年戊子循州
賊萬餘人寇泉州討平之

至正三年正月泉州民劉應總作亂命江浙行省遣兵捕
之

十年同安盜掠泉州海濱監郡僕玉立俘其魁

十二年夏仙遊流賊剽掠泉州有司禦之遁去

十四年夏安溪盜李大南安盜呂光甫聚眾為亂七月圍

泉州不克

十七年萬戶賽甫丁阿迷里可反擄泉州民大被荼毒

二十二年回寇那兀納叛據泉州官軍至千戶金吉開門
納之遂執兀納是年陳友定攻泉州陷之○西域那
兀納者以總諸番互市至泉元末兵亂遂攻泉州據之

福建行省平章燕只不花用陳駐計執那兀納檻送行
省時陳友定敗泉奉軍胡深元主即用為福建行省平
章政事遂發兵攻泉州漳州陷之泉民先經回寇塗炭
繼約友定荼毒至洪武元年大兵南下始出盜賊淵

二十六年五月泉州賽甫丁據福州路福建行省平章政事燕只不花等敗之餘衆航海遂據泉州

明洪武三年六月倭寇泉州

正統十三年建昌人鄧茂七聚衆殺人縣官捕之遂拒捕率黨劫掠上杭汀據杉園攻光澤邵武順昌劫掠庫藏與尤溪賊合攻延平拒官軍殺都司分遣賊將寇掠各縣為攻郡城郡守熊尚初自提民兵與晉江主簿史孟常陰陽正術楊士洪拒于城南古陵坡被執皆死之巡按御史張海上其事乃遣都督劉得新陳榮興都御

史文循等分道入閩平諸賊函賊首赴京八閩始定

宏治四年漳平盜賊文進寇安溪攻陷縣治郡城一時騷
動副使司馬亞查官民兵討平之

宏治十年倭陷永春圍不克至是年陷大肆焚掠焉
正德二年廣東盜寇入海官軍襲之為所殺遂肆掠而去
五年獲寇永春去南安至晉江安海肆掠甚慘
九年汀漳盜流入泉屬肆掠而去

嘉靖元年二年癸未廣東汀漳盜寇泉民兵義士戰死者
甚眾覆鼎兵設伏以待賊知有備奔安溪甲申兵與賊

戰於高坪敗擄泉州衛經歷葛彥乙酉漳泉復合兵戰
于霞村擄漳州府通判施福俱贖回賊僅九十三人獲
而根七月入興化殺掠甚慘興泉合共兵數千攻之輒
敗相持數日不能獲其一矢飽欲始去

十一年海寇衝突圖

二十七年戊申海寇阮其寶四師老林翦毛等掠惠安同
安至晉江知府程秀民遣南安丞馬一洪指揮孫廷樞
討平○是寇十八種為患閩浙交廣間二十餘年嘉靖
某年四月掠同安小登死與被執者二百餘人小嶺逆

墟掠東石圍頭深港而惠安屬地則一歲三四至是年
五月其竇寇圍頭統二十餘舟知府程公命縣丞馬楷
揮孫發四灣兵船攻之五月二十一日與賊戰小荳南
岸自己至申破其三舟獲賊三千餘人賊退保草嶼是
嶼萬石聳出忽夜聞風浪有聲爭解維避之舟悉衝沒
賊黨奔遁其竇獨携八十餘人屯嶼上覲援然而煙火
已絕勢將自斃程公命馬丞攻圍之六月朔日舟四並
賊夜輯殘板謀遁合擊之殺其竇獲其妻妾并賊徒者
二千餘人藏海先後奔遁者盡索得二百餘人藏滅之

幾林翦毛復合黨寇蓮河方揚舟登岸賊檣忽隕心
之乃自焚舟去是月十八日寇晉江石湖又寇蚶江
公復命馬承宵赴集諸社有力者百餘人自隨往逐
殺賊獲十四人焚其二舸賊乃遠遁先是嘉靖二十六
年厲禁不許通番貿易尋復通倭倭以巨航至者漳泉
人往往詐負其直遂生嫌隙而倭患以萌

三十四年十一月庚申倭犯泉州

三十五年倭自福清海口入寇泉州指揮童乾震引兵迎
戰死之

十七年戊午四月倭四百餘人從郡境長坑頭登岸由
龜湖突至安平市殺掠數日乃去是月倭又四十餘攻
陷福清遂至惠安知縣林咸率鄉官李愷等拒守城賴
以全倭分為二隊一由海道寇鴨山咸率兵拒戰死之
一由鳳山清源山寇南安時南安無城居民遷避賊無
所掠乃遁五月初三日至郡城石筍橋巡按樊獻科率
屬固守二十餘日賊復攻永寧不得入乃去

二十八年己未春三月倭復寇泉州至石筍橋燔民居城
中固守乃從烏石南去初五日又至石筍橋初七日焚

營邊屋十一日南往安平時安平城已完守賊不得入復至郡城南新橋僉事萬民英從橋置門禦賊一時鄉兵被賊驅回與鄉民男女奔赴城者墜死千有餘人賊竟排橋門至車橋大焚民居直至城下官軍以烏銃拒退復至安平城下遂散劫海都時郡城分堞而守目不交睫者凡四閱月乃息

三十九年庚申正月倭寇南安英山等處三月又一支在溇美登岸焚劫四月至車橋焚屋殺人直至城下官軍以石拒退又一支從法石登岸焚劫亦至南門城下焚